

18 OCTOMBRIE
RUGACIUNEA 2
SF. APOSTOL-EVANGHELIST
LUCA

Молитва

О, святой Луко, Богом избранный и Материю Божию благословенный, проповедниче по всей вселенной Евангелия Христова, мучениче и Апостоле, помощниче всем молитвенно призывающим тя, помози и нам, непотребным рабом Господним, яко мы по многим прегрешениям нашим обретаемся во тьме и сени смертной, отдалече от Бога отстоя. Чрез то стыдом посрамленные не имамы дерзновения Господа молити о прощении, призываем тя, великий светильниче Божий, яко пребывающаго в непреходящем Его свете, моли о нас Господа, да помилует нас.

Умоли Господа, святой Луко, да обновит в нас страх Господень, онже любы привлекает, а грех отгоняет. Яко мы тако навыкли грешити по всях день и час, и во сне, яко не вемы слов Господа: бдите, яко не знаете часа, егда хочу приити, Он же может на всяк час призвати нас из сего

привременного живота в вечный. Пробуди в нас, святой Луко, страх и премудрость, о нихже святой царь и псалмопевец Давид рече. Да твоими молитвами получим покаяния слезы, имиже вси наши души от греха очистятся. Яко мы в духовной слепоте и дебелости суще не можем плакаться своего мертвеца, сиречь самих себе, многи же слезы, потоки слез потребно да пролием за множество содеянных грехов.

Помози нам, неразумным, да уразумеем Писание, еже ты сам списал еси, яко истинным разумом уразумеем истинная словеса, да бежим от греха, яко от огня, и вси силы приложим, да приблизит ны Бог. Да уразумеем, яко грех есть смерть, Бог же живот. Помози нам, святой Луко, да то уразумевше, очистимся от греха и преждем из смерти в живот. Да будет нам Бог вся во всем. И ныне и во веки да пребудем близ Него. Дабы и нам, яко ти с Клеопою, егда путешествовали во Еммаус, сердце и душа трепетны быша от присутствия Его. Отнюдуже да снидет на ны мир небесный, к Царствию Небесному ны руководящий и радостны ны творящий, да возможем стрелы лукаваго, на всяк час в нас испущаемы, отгнати. С тем же получим и любви Божия, да руководит нас к вечному Отечеству, идеже вси силы небесные, вси святии, Мати Божия пред ними, Еяже

благой лик в иконе тобою написанной,
увековечен еси. Очи сердец наших да
непрестанно взирают на ту лепоту и ею
наслаждаются, да царит в нас Царство
Небесное, в кое чаем молитвами твоими, святой
Луко, преселиться, егда нас Господь призовет,
да тамо вечно славим Бога во Святей Троице:
Безначальнаго Отца, Единороднаго Сына и
Пресвятаго Духа, во все бесконечные веки.
Аминь.